

重修文水縣志序

太原縣志穆相國時守太原序曰近世作志者率有三病一在詳於古而略於今一在詳於文而略於事一在詳於採摭而略於勸懲旨哉斯言洵作志之箴也已

卯大祲後 霞應武陵書院聘適

撫憲威毅伯曾檄各郡縣

重修地志迫以 署邑侯范公

邑侯楊公暨諸紳之請辭不

獲爰彙都人士之採訪者與同

事諸公分門編纂限以學識知

未能廓清三病而比事屬辭之
下究未敢一刻忘也藁甫脫適
范公以讀禮由河曲任解組
省居因請重加筆削篇中崇論
閎議多出其手又迭經 楊公
吳公三邑侯鑒定俾霞獲免

於山長谷荒之誚幸矣

光緒昭陽協洽之歲先立秋三

日序於武陵書院之日知齋

古交陰步霞

重修文水邑乘引

米世發

關中

余始至文而四睇美哉山河有巖邑之快也及式子夏之
廬幾幸西河教化猶有存者已入而視政簿書漫漶莫得
要領亟索舊志攷之而更缺遺甚也爾時司農大夫王公
奉命督餉延川適侍御鄭公讀禮家居余朝夕造請以發
吾覆然後洞矚一邑利弊若以上池之水飲長桑君藥盡
而見病者五臟癥結也三載以來得無負功令爰及考成
余實大幸而私念啟廸之力及於一時記載之功詔於奕
世復造請侍御公重修縣志而余捐俸餘鑄之侍御公許
諾迺啟二酉之藏出九疑之辨總裁英聞博物之士而論

定之余受而卒業而竊歎侍御公之大有造於文也夫記
載之道與經濟之猷其益家國一也然非饒經濟之猷者
必不能任記載之事侍御公起家鉅鹿再移唐山旋奉命
代狩七閩鳴琴攬轡所至厝注批郤導窾遊刃有餘而以
其維縣寓恢帝絃者諦按茲土宜其爲桑梓垂久遠者至
詳核而切要也此何論斟酌今昔籌畫裨補足增山河之
勝而褒譏取義提醒人心卽子夏文學將庶幾彬彬興焉
余聆侍御公之教而受賜無窮也傳侍御公之志而邑若
令亦愈世受其賜也梓成弁附數語以引其端

重修文水縣志叙

王在臺

邑人

乙丑秋余奉旨歸攝會米侯世發號桂源重新縣志稿脫
而屬余叙余寡昧安能鋪張故實竟迫於長者命弗獲辭
彊勉唯唯索閱其所爲編輯者卷几十目從其類大約多
士翻檢一稟侯指授而刪繁收佚斷章取義則鄭柱史意
葵公獨匠也意翁杼天聰之朗識加以嚴核不爽故其辭
瞻不傷體文不掩質如廣谷大川異形民生俗尙異趨田
賦丁徭異數忠孝廉節異稟上下數百年文獻宛然在目
展哉一邑之春秋矣夫文負晉陽百里望而知爲巖邑遡
所該載舊有志自樊侯諱從簡修飭以後歲久漸遺雖規
模大畧不盡泯而滄桑遞更星物非故豈無勢重欲返窮

極思變乎負擔適千里者尙必稽程故轍事不師古而嘗
試其聰明猶之望溟適越耳此侯悵悵乎思一斗南也於
是有輯志之役解者曰志記也其義從士從心不失其心
乃爲志志蓋難言之矣吾文礪山帶河鍾靈特異而景行
先哲卜子夏之遺蹟在焉當年雅重敦倫則惟是事父母
竭力也事君致身也賢賢信友也夫此敦倫一心從不學
不慮來卽不失其赤子之心心自不失則氣靜心共無失
則情平氣靜情平山環水繞文脉原自旁皇藉表章而益
烈夫且恍然於侯之嘉惠無己也方今時事孔艱議餉議
兵時塵壘明宵旰而悉索敝賦吾文竭履以奉功令侯謂

足國要在足民足民莫若因民日費幾許心力引文略水
以進城隈郊坳之內斥鹵變爲膏腴君子聽與人之誦則
封洫之著勞可思昔晉文公雄長諸姬富厚甲中原猶不
忘田賦乘馬管大夫作內政寄軍令齊國遂以沃壤成霸
業夫孰謂侯之導水利植田疇非富民之要術而軍國之
攸需耶余戶員也前此之酌濟無方繼此之生殖寡策故
樂觀水政見文之流澤長而更以本心不失者仰止西河
之文學聞風蒸起凡民可爲豪傑比屋成可封之俗士人
多君子之行文之發源不旣深乎侯茲瓜政及矣不知其
政視其志富強禮樂千古之勛猷爛焉而始信王道之易

易也豈獨光照史冊已哉若曰猶是志而已幅員布列如故文物迴環如故卽賦役煩興民風凋敝稍稍不如古初而培植化導侯之德意藹鄭柱史之程量森如所稱周禮方氏之英謀司馬長卿之椽筆不多讓何俟余之喋喋爲

重修文水縣志跋

鄭宗周

文水古大陵之地易以今名蓋自隋開皇始說者曰河自管涔龍門而下至於峪口其水滌波多文因以命之亶其然乎癸亥秋蒲城桂源米侯世發初令交城不基月大治旋奉命借補文邑以水旱之頻仍歲比不登愀然曰天下利害莫大於水與其氾濫以魚吾民孰若因而導之以爲

利乎於是隨山鑿石濬澮溉田被美利者業浸濡於山高
水清之澤矣越明年乙丑夏侯且徵討故實毅然以興起
斯文爲己任謂邑志久湮如涉滄溟而亡指迷之車何以
資理爰延廣文趙君應徵庠彥孟生恕李生之芬馬生時
行逖蒐博採參以往帙其加意編輯則介請學博少川孔
君煥修之仍屬余亦載筆促其後余以讀禮方闕病不敏
辟辭者再四不獲命會司農大夫余業師肇區王君督餉
延州予告還里竊幸得奉郢政因與諸庠友榘扉殫精刪
煩補闕屬草具一一請之余師而總以折衷於侯之鑑裁
蓋五閱月而脫藁首輿地以訖於雜紀爲卷凡十爲目凡

十者六舉山川之險易風俗之醜濶政治之得失人物之
盛衰戶口則壤之數禮教武備之修靡不犁然臚列文獻
庶其足徵哉余碌碌黠闇殊媿無能爲役梓且成侯復屬
余以一言綴末簡誼何敢辭嘗讀周禮外史掌邦國之志
古者列國各有史史亡然後志乘作志固史之遺也文爲
晉陽壯邑其君子悅於詩書其小人力於稼穡蓋有先民
之遺風焉顧向也樸而今也巧向也固而今也侈民隱士
風日新月異憂世者不無江河之慮賈生謂移風易俗
非俗吏所能而臨政恩治不若尙友論世則文之所以
文者可徵也夫日月出而天光煥時雨降而化澤溥

泗濬源以來得文學之精者莫子夏若試稽其序詩定禮
講德西河肅狀慕德而化者非吾文也與哉迄今仰止商
巖百世之下恍然若親炙之猶未也嘗馮弔千古遡文明
之所自始則有陶唐氏之故封在緬維如天在宥饑曰我
饑寒曰我寒有罪曰我陷耕鑿嬉遊曾不足以慰其猶病
之念天下稱至仁焉迺帝典不曰欽明文思則曰澤水儆
余陶唐氏之心法固脉脉至今在也夫志者言乎心之所
之也侯若曰人造於道而魚造於水植田疇誨子弟無甯
蘄與茲土再覲於變之盛文學文思庶幾且暮遇之而後
可以不負天子下不負寸心耳推此志也傳之則爲信

忠垂之則爲成憲彰往詔來方策具在侯之明德遠矣其所以大有造於文者豈有既哉余學膚而識渺卑之無甚高論在文言文敬以聞之余師者聊以識侯之意云爾

重修文水縣志序

傅星

國家有天下幾三十載今天子卽位之十有一年聲教四訖薄海內外罔不臣服乃

允輔臣請

詔京

省各修通志俟成彙爲

大清一統志垂萬世焉知文

水縣事臣傅星伏惟縣有縣志府有府志猶省有通志也無縣志則府志何以成無府志則通志何以成雖志有大小而其所以志一統一也文志建於故明嘉靖癸丑修

天啓乙丑迄今將五十年世舊更陵谷變遷制度更改版
章人物遞殊及今不修文獻漸不可徵守土者之罪也爰
進邑之縉紳士民而告之僉以爲然乃捐資開局擇其賢
士大夫而授之以事復告之曰邑何以有志志何以不可
不修也哉蓋古之君子有身不下堂陞而治天下之道燦
然畢舉者無他有所遵也生民之初瀟閩而已有聖人者
出始爲之撫五辰以定其時相九土以興其利察剛柔燥
濕以因其風俗立之侯王君公大夫師長道之樹藝懋遷
以養生而送死澤之以禮樂文章齊之以兵刑舉錯前之
聖人無所因則勞而創之後之聖人有所因則逸而遵之

故象始於唐而虞因之以齊七政禹貢始於夏而周因之以宣職方百揆四岳九官十二牧各有所命始於二帝而成王周公因之以有周官立政夫在聖人尙不能不有所遵以爲治而况於後之人歟故邑之有志非志邑也志邑之所以治也志治之所以遵也志不修則五辰不明而後之人何所遵以上順乎天九土不明而後之人何所遵以下順乎地風俗不明而後之人何所遵以中順乎民官師制度政教不明而後之人何所遵以法乎古而宜於今志之不可不修如是重也然則使志修而按志者仍茫乎其所以遵而治也不幾修志而志適以亡也哉甯實母華甯

經濟毋浮誇庶其免已受事者皆唯唯於是蒐採故蹟綴拾軼聞凡兩月而書成復手加刪訂冠以圖而參以論爲綱者十條目各以類附敬授之梓敢曰治文之道具於是遵之卽治哉庶幾易爲力已行且獻之郡上之省貢採王會以備 聖朝大一統志之成也或亦有小補焉

文水縣志序

鄭崑璧

周禮大宗伯之屬外史上士四人中士四人掌四方之志其時雖未常郡縣天下然邦畿及列國各有都邑州里靡不有志故蕭鄩侯獨先收天下圖籍俾沛公具知天下阨塞戶口繁寡強弱民所疾苦今志書之式亦必先圖後書

凡山川疆域形勢戶口租稅人物風俗及一切規制沿革莫不具載秦漢以來未之有改也今歲夏

皇上允閣

臣請

詔天下直省脩通志下至山僻小邑素無紀載者

莫不奉

詔及憲檄編葺甚盛典也我邑密邇晉陽襟帶

河汾扼雍梁之咽喉踞燕趙之上游依山阻水屹然爲天下望邑志書之成遡自嘉靖癸丑創於樊公右川又九十年餘年至天啓乙丑邑侯米桂源增修之迨於今四十八載矣樊米兩賢令相去雖遠然其時承席久安長治之後我晉土物殷阜風教涵樸志書卽極爲增損無大同異若乙

上至今雖歷年不復五十年而全晉履歷之編心則

顛連昏墊幾虛邑矣幸本朝定鼎以來皆脫湯火而安
耕鑿沐浴兩朝之膏澤將三十年欣欣有再蘇之樂然
譬之疾病者巨創之後雖形氣漸復而神理羸瘠百廢未
具舉覽斯志也俯仰今昔之間不大有感慨乎昔米侯之
修志也我伯祖巡撫公及先達王爾基公實左右之其紀
載我曾大父虞部公之懿行尤詳今我邑復舉此典而予
以守官京師未及簪筆從邑父母傳公暨我師曹先生之
後一叅權發凡舉例之要略是則予之所爲怵然不敢安
也抑予聞邑志之葺疆域山川形勢今古無大更易也卽
戶口租稅風俗及一切規制沿革之事其於一邑亦非大

關係也乃最大者間氣之扶輿蠶蛻名教之漸摩淪浹結聚於一二偉人傑士之身爲一邑聲光之所自儀型之所歸若忠貞秉節之文臣漢則有丞相衛綰唐則有李忠懿公愷父子及武丞相元衡建業封疆之武臣則有楊盧兩節度孝友篤行隋則有韓子誕使今日者復得磊磊落落不愧古人者若而人挺生邑中發闢天下則吾邑且東比鄒魯南抗伊洛矣使見之聞之者相與忻然曰文木之人物果不愧爲仲尼弟子卜子夏教授之所與文中子隱居著書之處也則吾邑志豈不度越他邑尋常萬萬哉是子所厚望於邑之人而卽以仰副乎君相修志之意也夫

文水縣志序

胡應麟

邑之有志猶國之有史所以紀盛衰示風勵不獨以侈山川封域之勝人物風土之美已也吾邑爲古大陵而轄於晉陽左帶汾文右襟龍虎風物繁華英豪間出蓋屹然稱壯邑焉數百年來建置沿革無大變易惟當闖孽蹂躪漸見凋疲非復聲名文物之舊自國朝定鼎以還驅除禍亂百度維新一二賢父母撫字愛養漸復元氣而人文蔚起亦復卓犖可觀先勤毅公俯仰今昔輒慨然曰此吾邑盛衰之際風勵之資不可以無志欲取樊米二侯舊志增修之以成昭代一書屬以填綏楚豫計剿郝劉二寇兵

事殷繁未果垂二十年於茲恭奉 詔下直省編輯通志

傳侯蒐採舊文增益近事不踰時而削刪成甚盛舉也余

思吾邑之志曩有樊米二侯輯著於前今有傳侯續修於

後其所以重 國計厚民生定制敦道化者綱舉目張

蓋不啻三致意焉亦何俟余不佞爲旁贅而余亦有不能

已於言者邑之盛衰因於時輓衰爲盛存乎人昔卜子夏

教授西河文中子隱居著書皆以匹夫振興一方而後人

被其德服其教者至今不衰况良有司儼然居民社之上

鄉先生巋然爲桑梓之望者乎粵稽唐有戴侯鑿泉引渠

民以饒富元有楊侯潔己字民爲諸縣最以及明之樊米

二侯卓然治行彪炳後先載在史冊載稽漢有衛綰忠廉
長者功高將相唐有武甄高才博學忠切著聞以及李忠
懿公父子楊盧兩節度風節足以砥頽俗方略足以建非
常此皆所謂儼然居民社之上巋然爲桑梓之望者也後
之讀是志者其亦將感發奮興母使諸君子專美於前則
是書之所以風勵千古者正未可量而豈獨以侈山川封
域之勝人物風土之美已哉是爲序

重修文水縣志序

曹珏

王世貞曰子長不絕也千古而有子長亦不能成史記何
也西京以還封建宮殿官司郡邑詔令辭命奏書賦頌其

人其事皆不稱書矣余謂獨史記哉邑志亦然使入其鄉而培塿是望潢汙是循邑無百雉之規野鮮千膳之麗穀擊肩摩乏其庶腹笥經庫寡其儔甚且南陔無叶常華矢賡以斯言志亦甚鄙陋劣矣今試披輿圖而若帶若礪有如文之表裏山河者乎臨雉堞而爲墉爲壑有如文之金湯鳩聳者乎按版籍而旣庶旣繁有如文之煙火萬井者乎稽正供而實畝實籍有如文之成賦三壤者乎科甲世所難也而六李登第萃於一門則陶唐之都聿稱才藪矣書囊不數遺也而三桓七穆應對如流則大陵之墟誕

生人傑矣德色評語賈生嘗發嘆焉乃臨刑代文盧

年文之孝思不深入仰止耶斗豨尺布與民嘗刺譏焉乃
七葉共爨烏鵲通巢文之友于不動入懷慕耶况彼君子
兮噬肯適我杖杜嘗咏之矣爰瞻商麓卜子夏之憇榻在
焉不又分尼山之一席耶則文之志亦煌煌乎大觀也哉
傅侯以遼左世家來尹是邦下車之始卽披邑乘慨然曰
昔哀公問政孔子告以文武之政布在方策今邑之志卽
政之府也方策具在則覽山川城郭之險而未雨綢繆何
以奠國家如磐石也撫土地人民之厚則爲保障不爲繭
絲爲亨鮮不爲束濕而生聚教訓何以保群黎如赤子也
抑思皇敦睦之榮則仰雲漢於西岐采藻芹於東魯而橫

經講孰何以使人多邊谷之才家饒曾閔之行也侯之加
意於文已八稔於茲矣是以祇奉 功令而欣然有重

修之舉焉是役也正其綱目補其缺漏寓瘁惡於彰善之
中垂後鑒於前型之內總裁而授多士以意旨者則三韓
傅公星也承侯之命而操觚從事者則文之都人士也至
體裁有失宜予奪未盡當或倖太官之譽或叢賣餅之譏
更有俟於後之君子焉

文水縣志

原修銜名

裁定

知文水縣事文林郎三韓傅星

拱辰氏

參閱

縣

丞

福

甯

莊雲牖

近峯氏

司局

典

史

大

興

陳明廷

含章氏

參訂

署儒學教諭舉人楊時昇

聞喜人

編纂

戶

部

郎

中

鄭立功

邑人

候選知縣甲辰進士

郭鼎鉉

邑人

明天啟丁卯科舉人

曹珏

邑人

明崇禎己卯科舉人今天城衛教授致仕

王憲中

邑人

候選知縣甲午科舉人

閻文燦

邑人

丁

酉

科

舉

人

武繼周

邑人

丁

酉

科

舉

人

王楨

邑人

癸

卯

科

舉

人

高聯

邑人

丙

午

科

舉

人

王錫命

邑人

己酉科舉人嚴調鼎邑人

己酉科舉人郭繼垣邑人

校正

原任河南開封府原武縣知縣貢生甯弘舒邑人

候選通判貢監胡裕才邑人

候選訓導歲貢閻文炳邑人

甲午科舉人馬調貞邑人

採輯

邑庠廩生王毓文

劉秉異

曹元勝

王岫

田澗好

文水縣志

續修銜名

鑒定

太子少保頭品頂戴等威毅伯陞任兩廣總督前山西巡撫

曾國荃

沅州湖南人

頭品頂戴調補江蘇巡撫前山西巡撫

衛榮光

河南人

雲南兼都察院副都御史巡撫滇省前山西巡撫

張之洞

湘南直隸南皮人

提督山西全省學政翰林院編修

呂鳳岐

安徽旌德人

前提督山西全省學政翰林院修撰

王仁堪

可莊福建人

護理山西巡撫承宣布政使司

奎斌

蒙古白旗人

護理山西巡撫部院前布政使司

葆亨

芝罘滿洲人

前任山西等處承宣布政使司布政使

紹誠

葛民滿
洲人

前山西等處承宣布政使司布政使

方大滉

菊人湖
南人

二品銜山西等處提刑按察使司按察使

松椿

峻峰滿
洲人

前山西等處提刑按察使司

高崇基

直隸靜
海人

三品銜前任山西冀甯道憲署按察布政司調准鹽運司

王溥

靜盦陝
西人

現任山西冀甯道

左雋

楚瑛湖
南人

現任太原府知府

馬丕瑤

玉瑤河
南人

訂正

賜進士出身兵部候補主事車駕司行走

王軒

霞舉洪
洞人

六品銜蒲州府教授乙未

恩科舉人

張千鑄

鐵生趙
城人

代州繁峙縣教諭甲子科舉人

楊

篤

秋河人

刑部員外郎廣東司行走庚午科舉人

楊深秀

身存聞喜人

監修

欽加同知銜升用直隸州知河曲縣知縣警篆警篆

恩舉人

范啟堃

厚之順天人

欽加同知銜用直隸州知縣警篆警篆

楊恩溥

蔗民直隸大名

欽加同知銜特用直隸州知文水縣事辛酉科拔貢

吳會榮

沛生直隸霸州人

欽加同知銜賞戴藍翎特用直隸州調署文水縣事辛酉科拔貢

王

煒

夔亭陝西扶風人

總纂

候選知縣主講武陵書院丁卯科舉人

陰步霞

蔚軒交城人

協修

儒學教諭甲子科舉人 陳桂柯

月樵靈石人

儒學訓導廩貢 李養靜

肅齋猗氏人

督刊

欽加六品銜典史 米廣泰

心安直隸河澗人

欽加五品銜城守司 楊昌

子信臨汾人

經理

例 貢

生 劉師亮

仰山邑人

欽加守備

銜 武顯文

華國邑人

議叙五品

銜 成必選

子青邑人

附 貢

生 成濬

哲臣邑人

議叙府經例貢成臨眾子莊邑人

例貢生柳公德邑人

採訪

陝西即用知縣丙子科進士武達材子棟邑人

大挑福建同安縣知縣丁卯科舉人劉敦華子春邑人

大挑湖北知縣辛酉科舉人李毅迪齋邑人

乙亥科舉人王德修寶三邑人

議叙四品銜營千總劉敦榮厚菴邑人

廩貢生溫鶴年晉仙邑人

儒學廩膳生李繼訓彝庭邑人

儒學

增

廣

生

郭慶升

錫三
邑人

儒學

增

廣

生

陰茂林

修竹
邑人

廩

貢

生

閻爾梅

邑人

儒

學

附

生

郭儒

邑人

例

貢

生

甯體修

邑人

儒

學

附

生

胡岱齡

魯瞻
邑人

署高平縣教諭丁卯科舉人

霍天相

吉人
邑人

校對

廩

貢

生

武澍王

筱農
邑人

府

學

附

生

陰世元

掄伯
邑人

交

儒學

附

生

李繼綬

綬人

儒學

附

生

田丕殖

丕人

儒學

附

生

成桂森

森人

儒學

廩

膳

生

范廷勳

勳人

儒學

廩

膳

生

馮錫嘏

錫人

恩

儒學

廩

膳

生

郭士秀

士人

儒學

優

廩

生

趙英

英人

儒學

附

生

燕占文

占人

儒學

優

廩

生

李隆楷

隆人

膳錄

候選訓導廩貢劉瑞藻邑人

儒學增廣生喬汝衡鑑平邑人

附貢生柳芬邑人

儒學廩膳生武達昌邑人

儒學附生田丕養正齊邑人

儒學廩膳生張和春景堂邑人

儒學廩膳生李文燦質彬邑人

繪圖

八十三歲叟耆賓文本忠斐亭

文水縣志目錄

卷首

序文

原序

銜名

目錄

卷一

比例

圖考

天文志

分野

占驗

祥異

卷二

地利志

建置沿革

疆域

山川

津梁

渠堰

渠案附

古蹟

勝景

廟宇

邱墓

義墳附

物產

卷三

民俗志

戶口

民居

城內街巷

坊都

風俗

節序

市集

廟會

方言

卷四

分建志

城池

官署

學宮

書籍附

書院

義學附

城守

舊公署

官制

生儒吏役附

卷五

財賦志

地丁

起運

留支

屯田

課程

生息

米豆

倉儲

貢篚

學田

書院地
畝附

郵政

車馬

卷六

典禮志

公式

秩祀

賓興

鄉儀

坊表

卷七

武備志

文水縣志
教場 堡寨 墩堠 器械 鋪舍

卷八

選舉志

科名

制科貢
監附

職官

武弁

誥勅

補遺

武弁

卷九

人物志

孝友

忠烈

義行

仕績

文學

隱逸

寓賢

方外

卷十

列女志

后妃

賢媛

烈女

節婦

孝婦

卷十一

官政志

歷宦

宦蹟

卷十二

藝文志

卷末

志餘

文水縣志卷之一

凡例

一舊志共編十卷多有涉於籠統者今將選舉列女各分爲一門共十二門眉目較清

一舊志每門之首皆有傳公總叙一則但今昔時事不同多有更易增減之詞並刪去傳星曰三字以一體例非掠美也至論有可採切中時弊者仍附載各門之後

一人物山川古蹟見通志及他書確有可據而舊志未載者今悉增入其有通志與縣志異者必詳加考核

附以辨論以俟折衷

一舊志列傳悉錄漢書唐宋史原文附載人物之後每多重出錯簡今悉刪去重複仍列之人物傳未敢輕爲增減惟新入者必詢訪確實始與立傳

一汾文二河在文害浮於利舊志較畧今特詳之以俟爲政者之籌畫焉

一渠堰爲興利第一要政最易滋訟雖有斷案炳存而民間無所查究仍構訟不已茲附載成案於各渠之後以息爭端

一舊志自康熙十一年三韓傳公重修後至今載百餘

年無過問者。歷宦科名。代遠年湮。卷冊殘缺。無從查攷。遺漏殊多。至縣丞於何年。裁缺訓導於何年。復設丁賦於何年。歸地皆關於建置之大者。亦復無可稽核。尤爲憾事。是所望於後之君子。彌縫其闕。爲幸。

一 樊公從簡舊志恭錄

誥勅於選舉之後。傅公以

爲不類。移冠藝文之首。亦覺有瀆。

綸音。今仍移

之選舉。祇錄封秩。不錄

勅語。

一 人物以蓋棺論定。爲例。現在諸人。雖有懿行。一概不入。惟節孝年逾六旬者。無論已旌未旌。雖存亦書。以

勵貞操。

一職官第書實職一切議叙虛銜概不採入

一邑乘第紀一邑之事故民俗較詳如祭器樂章載諸會典者茲不具錄

一選舉題名本係表體不當載以事實茲刻凡仕宦之由科第者卽註科第題名下不復列入職官非敢以表爲傳從省也

一新增志餘一門凡現在諸公嘉言懿行有足錄者悉列入志餘以備後之纂修者採擇焉

一舊志文浮於事茲刻以事詳文簡爲主故藝文較畧

圖叙

古人讀書左圖右史非徒供目也蓋讀古書習古事尤當明古人所處之地與勢按圖而稽而後成敗得失瞭如指掌此蕭何隨漢高人關必首收圖籍也魏宋舊志皆無圖傳志補圖五一參星二山水三城池四縣治五學宮迄今百餘年河道屢易布政按察之行臺今亦僅存基址承平日久尙慨滄桑逝斯土也可不免思保障哉爰卽舊圖細爲考正復益書院易山川爲輿圖云

文水縣志
圖考

參宿圖
北



東北至徐溝縣界六十里

韓武堡

分河身

馬家堡

東至祁縣界五十里

原東村

原南村

東南至平遙縣界五十里

東固邑

西固邑

東固堡

西固堡

東固堡

閻家堡

王家莊

西社鎮

苗家堡

馬家堡

曹家堡

曹家堡

曹家堡

曹家堡

曹家堡

曹家堡

曹家堡

郝家堡

王金堡

楊志堡

高車村

曹家堡

曹家堡

曹家堡

曹家堡

曹家堡

曹家堡

曹家堡

曹家堡

南社村

謝家寨

東郭家堡

高車村

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

榆村

北自家庄

西郭家堡

高車村

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

謝家寨

南自家庄

韓子村

高車村

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

東安北安莊

南社鎮

杏賢村

高車村

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

溫雲村

杏賢村

高車村

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

橫溝村

溫雲村

杏賢村

高車村

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

吳村

杏賢村

高車村

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

東安侯

武良村

高車村

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

石橋鎮

武良村

高車村

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

柳城村

武良村

高車村

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

新立村

武良村

高車村

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

大城村

武良村

高車村

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

康家莊

武良村

高車村

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

文家村

武良村

高車村

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

武家莊

武良村

高車村

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

曹家堡

北至交

南至

北


文水縣志


卷之一 圖考

六





縣治圖






學宮圖






書院圖



河神廟



天文志

周禮保章氏以星土辨九州所封之域皆有分星以觀妖祥文之分星屬參甘氏謂爲忠良孝謹之子尤足感發乎人心星野定則占驗明占驗明而爲祥爲異可得而察其所由致矣志天文

分野

舊志曰文之疆域當應天文參井之分按帝王世紀自畢十二度至東井十五度實沈之次於辰在申爲晉魏分野晉語曰實沈之墟晉人是居左傳鄭子產云參爲晉星春秋康侯傳大夏實沈之墟參之分野謂之太原

亦曰晉陽在河汾之東北晉書太原入東井二十九度唐書觜觶參伐實沈也初畢十度中參七度終井十二度其分野得太原寰宇通志太原參井由是觀之太原卽大夏之地古稱晉陽文水屬西南境其在參井之次歟

舊論曰一統志云太原參井分野攷之晉語諸書似無可疑迺春秋元命苞云冀州分爲趙國史記趙地昴畢之分野西有太原晉天文志自胃七度至畢十一度爲大梁於辰在酉趙之分野何相謬也春秋紀

災異不言事應天遠人邇豈度數或有難盡憑者歟書

曰惠迪吉從逆凶惟影響故君子惟修德以合天

傅星曰天有分野猶地有分土厯觀太原前注分宿或
參井或指參文太屬邑也將安從哉善乎趙天羽之言
曰太原統轄縣邑二十有五豈能整齊如一必有參差
出入於別宿之間者至於一邑則必有所專統成王封
叔虞於唐主祀參今太原縣晉祠其故封地也子產博
物君子也亦云參爲晉星夫當春秋時雁代諸邑尙未
屬晉則專指太原以南以西而言可知也又攷寰宇通
志一統志俱云汾州參星分野文水東北至晉祠百有
十里西南至汾州九十里其爲參星何疑太原西北與

延安界延屬并鬼然則所謂參差出入於并宿間者當在河曲岢嵐保德之區耶

參宿占候

步天歌曰總有七星觜相侵兩肩雙足三爲心伐有三星足裏深玉井四星右足陰屏星兩扇并南襟軍并四星屏上吟左足下四天廂臨廂下一物天屎沉

參七星赤一曰參伐一曰天市一曰天鉞主斬刈又爲天獄主殺伐又主權衡所以平理也又主邊城九譯故不欲其動也參爲白虎之體其中橫列三將也東北曰左肩主左將西北曰右肩主右將東南曰左足主後將西南曰左

足主偏將故古參以應七將七星皆主邊兵七星皆明則天下兵精暗小則將弱芒角大張赤輝旁射則三軍駭動動搖則邊有急參差不常則人臣不忠而勤大將執權就聚則大將誅微則天下兵不精不具中央三小星曰伐天之都尉也伐星明與參等大臣謀亂兵起參左足入玉井中兵大起秦地大水有喪山石爲怪足若突出玉井虎狼暴害人金火來守則兵起災生日月蝕則田荒米貴土星犯災甚水守兵疫甘氏曰參爲忠良孝謹之子明大則臣忠子孝移動殺忠臣守常則吉玉井四星赤主冰泉以給厨用微小如常陰陽和五穀成明大動搖則大水井遠參

虎爲害

軍井四星黑軍營之井也以給軍爨一曰天井星動搖則有大水月入軍井兵起五星入大水屏二星赤所以障閉天廁主疾病星不具則天下人疫火守民疾疫客星入人多死

天廁四星赤主天下疾病色黃而明則吉不見人多病亡不明天下人疫五星守之天下大饑人相食

天屎一星赤主糞穢色黃則吉青黑白皆爲憂明則萬物有命星微則萬物不昌不見則人多疾病常以春分日候

之其星黃潤而明人無病青黑國饑人病

祥異

志以志治亦以志戒春秋之作凡日食星隕大風不雨
有蜚有螟無年大水一必書蓋將使觀者知變不虛生
而天人之際甚可畏也况乎出宰百里上應列宿在朝
廷爲親民之官在古昔若列侯之國一身之得失四境
之休戚係焉人事著而天象應覩斯志也可勿省歟

唐

長安元年猷水竭武氏井溢

天寶五年冬蠶成繭

宋

元符間大水古城淪圯無遺遂議遷城於章多里卽今

縣治

明

成化十八年饑

宏治四年峪河水放溢害稼及民廬舍

正德七年黑青時見旬餘始息

九年冬桃李華

十四年穀一莖四穗

嘉靖七年戊子五月雨雹傷麥禾復種秋成

十一年壬辰縣東遭水

十二年癸巳冬十月夜星隕如雨

十三年甲午大饑野有餓殍

十四年乙未麥秀二歧至有三四歧者穀秀九歧者三五歧者甚多大稔斗米二十錢

十五年丙申夏蝗不爲災

十六年丁酉春正月三日地震

二十年辛丑六月淫雨文汾水溢汨民田稼詔免田租
二十三年甲辰大水沒稼

二十四年乙巳大旱四月至七月不雨

二十六年丁未八月雨雹大如雞卵深二尺傷秋稼

二十七年戊申歲大熟

二十八年己酉旱六月八月雨冷霜傷稼

二十九年庚戌四月八日大風霾晝昏如夜六月大水

汾河西徙

三十一年壬子大水傷稼

三十二年癸丑夏六月淫雨文峪汾河俱徙害稼壞官民廬舍大半冬十一月長至日風霾

三十四年乙卯地震有聲房屋傾毀至有傷及人口者三十九年庚申大饑餓殍盈野人相食棄子女

隆慶元年丁卯九月北兵破石州望日兵至本縣境攻

陷上賢堡殺戮甚慘會田副將統兵至城乃獲全

六年壬辰秋蝥

萬曆六年戊寅大旱歲饑

八年庚辰九年辛巳大疫咽喉腫潰至有一家斃絕無遺者

十四年丙戌一歲不雨大饑民食草根白土死者甚眾
十五年丁亥春三月不雨五月二十七日大雨種晚田
大熟

十八年庚寅八月二十五日午時陡起詭傳曰北兵大至人皆驚走至申時乃定後聞隣邑皆然

二十四年丙申八月朔霜殺禾

二十九年辛丑大旱歲饑奸民羣聚搶奪以有法得不

亂

四十四年丙辰蝗蟲遍野傷禾

四十五年丁巳正月朔縣東三遭火

天啟四年甲子八月二日霜殺禾

五年乙丑六月不雨歲饑

崇禎四年大旱歲饑

七年無雲而雷聲如鼓鳴於東南方

十年大旱歲饑

十一年大旱歲饑妖民肆起爲盜

十三年大旱歲饑

十五年大旱歲饑

十七年大有年

國朝

順治二年大有年

三年丙戌飛蝗蔽日禾稼多傷

四年丁亥四月蝻蟲復生民掘坎捕之立盡

五年戊子山寇大作十二月除日突入南武鎮焚殺甚

慘

六年己丑地震山賊破城 端重親王兵至乃克復之
十一年瘟疫大行南武等都至有滅門無遺者儒醫武
承業晉鳳翔廣用良藥起之全活甚衆

十二年乙未大旱歲饑

十三年大有年

十四年丁酉六月淫雨汾峪二河奔溢傷禾

十五年戊戌七月大水傷禾

十六年己亥歲稔

康熙元年壬寅歲稔

四年乙巳正月十六日彗星見五月太白經天七月朔

日城西南有風如火禾木皆枯大旱歲饑有

旨貸本年稅糧

五年丙午大有年

六年丁未六月大水傷禾冬無雪

七年戊申二月二十三日夜白氣見於庚方指東南形
如匹練

八年己酉大旱歲饑

九年庚戌正月至六月方雨晚田頗熟

十年辛亥夏旱七月方雨歲復稱稔

十一年壬子二月大風雪嚴寒途人多凍死者春夏大

雨秋旱田薄收

乾隆四十七年壬寅大雨文水溢

六十年乙卯大雨文水溢決堤傷稼

嘉慶元年丙辰日月合璧

十八年癸酉秋彗星見

二十五年庚辰五月朔雨雹大如雞卵深二尺餘傷禾
後禾一莖二三穗晚田大熟

道光元年辛巳四月朔日月合璧五星聯珠聚於婁璧
至四年歲次有

六年丙戌二月二十五日大風晝晦

十一年辛卯冬大雪樹木多凍死

十五年乙未夏五月汾水西徙與文水合決堤傷稼

十六年丙申蝗不爲災

十八年戊戌五月二十九日申時大風毀牆拔木

二十年庚子正月二十五日午後大風霾晝晦越翼日
丑時方晴二月朔辰正日食晝晦星斗皆見巳正始

復

二十一年辛丑文水溢決堤傷稼

二十五年乙巳太白星晝見

二十八年戊申二月二十五日大風霾

咸豐三年癸丑七月彗星起庚方長髮賊陷平陽府

八年戊午四月十三日午後大風霾晝晦七月彗星冲

北斗長竟天

九年己未正月六日午後雨黃土

十一年辛酉五月大雨數日麥穗生芽八月朔日月合

璧五星聯珠聚於張八日雨雹四寸傷稼三十餘里

同治元年壬戌七月十五日夜西南星隕如雨二十四

日彗星見紫微垣甚長丈許月餘始散八月二十三

日隕霜殺稼

二年癸酉四月朔日紅無光

三年甲子十一月五日大雪數尺途人多凍死者
四年乙丑四月二十一日隕霜殺麥

五年丙寅四月三十日雨雹五月三日日紅無光

六年丁卯五月十一日日紅無光七月望日天無雲雷
鳴如鼓

七年戊辰麥秋一莖滋十二三莖大熟六月大雨九月
二十七日大星墜於東方隨有白氣如練逾時始散
自八月至八年五月不雨

八年己巳七月望日未時晝晦如夜天雨黑土
九年庚午田薄收十月陰雨連旬木介多折

十年辛未五月大雨傷麥七月大雨文水溢決堤傷稼
冬大瘟疫咽喉腫潰斃人甚多

十一年壬申夏旱禾盡槁

十二年癸酉四月騰食麥閏六月大水傷稼未傷者復
被雹災

十三年甲戌夏旱田薄收五月十九日彗星見

光緒元年乙亥二月二十五日地震三月朔日食
二年丙子夏無麥秋薄收

三年丁丑大饑冬人相食知縣楊恩溥稟請開倉賑濟

爵撫曾伯國荃奏請

詔免秋季稅糧

四年戊寅旱大疫三月二十八日大風霾四月十二日
日紅無光各省被災自三年四月至四年夏盡不雨
大地無禾斗米錢三千五百文人相食途無敢獨行
者嚴捕之稍戢棄子女道殣相望四郊掘坑掩屍旋
掘旋盈被疫者全家多歿七月杪大雨有禾之處又
被虻蚋食之誠千古未有之奇荒也 爵撫曾伯 國荃
奏請發帑截漕發各郡按月散粟賑濟知縣楊恩溥
署知縣范啟堃又於本地勸捐助賑全活甚眾

詔免本年稅糧

五年己卯多狼災揭賞令民捕捉殆盡麥秋薄收八月
汾水西溢與文水合流決堤傷稼未傷者復被鼠災
六年庚辰麥秋收穫不一秋麥半稔八月陰雨連旬文
水溢九月十三日雷鳴十九日戌時地震二十八日
雷又鳴十月九日戌時火毬見於南方半明半暗燄
騰數丈逾時始散越半月省垣臬署有回祿之災

七年五月二十五日彗星見庚方指東南逆行入紫微
逾月始滅二十日申時東南鄉雷電以風拔木偃禾
六月二十九日彗星復見於庚方數日滅

水方縣志卷二

地利志

地之利有三名山大川有險有夷利戰守平原廣陌土厚氣溫利居聚近水肥衍不旱不澇利耕種支西北倚山乃交永各境羣峰之委玉屏橫列形勢最雄壯東有汾沙文峪三河然直而不遠且左右無據依城池之外其險不足恃矣獨其境平地多於山谷風候和煖衆水經注誠使引流開洫得其道固太屬一樂土也觀地利其母虛此利哉志地利

建置沿革

文水古冀并之域春秋爲晉國祁氏之田魯昭公二十八年晉滅祁爲平陵大夫邑戰國周安王二十六年魏趙韓共廢晉靖公爲家人而分其地屬趙名大陵秦始皇十九年滅趙併六國郡縣天下爲大陵縣屬太原郡漢因之新莽篡漢改大甯縣東漢復爲大陵仍屬太原郡晉屬太原國後魏省大陵置受陽縣屬太原郡隋開皇十年始更爲文水縣如魏屬唐武德三年隸汾州六年屬并州七年又隸汾州貞觀元年復舊天授元年改縣曰武興神龍元年復故名洎宋縣名仍舊元符間避水患遷城於章多里之南卽今

縣治也金元仍舊屬太原路明因之屬太原府編戶七十九都我

朝定鼎亦因之康熙七年併戶七十都

疆域

文水縣治在府西南一百六十里東至祁縣界五十里南至汾州界三十里西至永甯州界八十里北至交城縣界三十里東南至平遙縣界五十里西南至汾陽縣界三十里西北至交城縣界二十里東北至清源鄉界五十里廣一百三十里袤六十里幅員三百八十里東北至

京師一千三百里下山西峙汾水東流古稱壯邑

山川

龍王山在縣西五里上有龍王廟右有石泉曰白木泉
甘冷異常亢旱禱之輒應廟之東邑令劉乃桂建廳
三楹題額曰白泉煙雨有聯句云望雲不引羣黎頌
喜雨惟銘長吏亭四月八日邑人讌遊之地

白虎山在縣西南二十里

柏茆山在縣北十三里山巔有三皇后土并十代名醫

子孫聖母等廟正月十六日士女競往祈禱以禳除

不祥萬厯間邑令文憲增建孫真人廟仲春二日

商賈四集賢遠有無游人競集其山茹鬱龍從古柏
森列

陶山在縣西二十里綿亘蜿蜒百巖競秀或云唐帝曾
憩息於此因以名山

雙峰山去陶山不遠卽陶山之分脈也自麓至巔卓立
萬仞雲霞飛繞花木陰濃俗稱大陵山卽此

卜山在縣西南二十五里石壁峭立子夏設教西河遊
憩於此故名卜山又名子夏山建廟山陽春秋官祭
山麓有水而不恒流又名隱泉山舊名商山避先賢
諱易之

按通志名隱泉山謂卽水經注之謁泉山水經注曰俗云陽雨愆期是謁是禱故山得名其山石崖絕險壁立天剽崖半有一石室去地可五十餘丈爰有層松飾巖列柏綺望惟西側一處得厯級陞頂上平地一十許頃沙門釋僧光表建二刹泉發於兩寺之間漇石泓注山下津梁隱沒而不恒流故得隱泉之名嘗遊下山躬陟其巔四望無丸丸者不過畝餘石田無平地十餘頃可建兩寺也卽求所謂石室隱泉諸蹟與古亦無一符合攷張守節史記正義引括地志

謁泉山一名隱泉山在分州襄城縣之北

晉改茲氏縣爲陽城唐上元上有石室頂上平地十
元年改西河縣卽今汾陽

頃許李吉甫元和郡縣志謁泉山在西河縣北四十

里有石室頂上平地可十餘頃是謁泉謁泉隱泉

一山而三名而山之在汾陽諸書無異辭通志疑誤

獅子山在縣西南十五里以狀類故名

見通志

熊耳山在縣西北三十里以狀類故名一名崇山松柏

蒙翳山谷

光統頭山在縣西南三十里嶺峰高峻日出時其光先

照故名或云光武統兵於此故一峰有前鋒臺之名

上有白雲頂寺真武廟文昌祠季春三日遠近進香

者四集號曰西頂幽深盤曲松柏叢翠亦勝境也

石峽山在縣西二十五里山谷幽邃初入甚狹漸進稍
濶進漸狹夾坡古柏不可勝數邈迤而入石壁如削
有洞焉曰石峽洞舊藏陶淵明白蓮社文金剛科儀
等書今不盡存崖之兩壁杏桃葱蔚一望無際踰嶺
西南十餘里有黃龍洞人迹罕到禱雨輒應

隱唐洞在隱泉山隈去地百餘丈躡石棧而上最險峻
其洞深四丈許高三丈餘洞內一窟方廣丈餘俗傳
通陝西路柴有深入者又曰子夏室

文峪河卽文水也在縣北二十里一出永甯州孝文山

一出交城縣西山半崖龍口一出本縣土安都泊泊

河三水合流由本縣北峪口村出山故名水經文水

出大陵縣西山文谷東到其縣屈南到平陶縣即今平陶

都東北東入於汾酈道元注文水逕大陵縣故城西

而南流有泌水注之又南逕平陶縣之故城東西逕

其城內南流出郭又南右會隱泉水又南逕茲氏縣

今汾陽故城東爲文湖又東逕中陽縣今孝義故城東又

東南流與勝水合又東南入於汾今從北峪口向東

經流開柵鎮南至宋家莊西轉南逕樊家莊武午村

宜兒村之西營兒村桑村之東又南逕堡子村之西

師平村韓村之東又南逕東西宜亭村中間至北張家莊東上河頭村西折向西南逕南張家莊蘇家堡之東鄭家莊之西入汾陽縣東北境又南歷孝義縣北境又南入於汾

按通志文峪河外別有文水其注云源出永甯州方山界流入交城歷榆城至縣南入於汾攷水經文水出大陵縣西山文谷龍堂記云西谷之水其水多文因以爲名焉蓋文谷乃交永各境諸山之委上歷榆城百餘里叢峰交錯眾水奔注其流湍激至文谷匯流成河地勢漸平水亦稍文故名峪谷義同土人

谷爲峪故又以文峪名河是文水之名卽得之文谷
非別有一水也且榆城以下羣山旁東凡經流之水
舍文谷口別無道以達縣境通志分而二之疑誤

汾河在縣東五十里通志源出靜樂縣北管岑山天池
一出林溪山龍眼泉至支鍋石村合流至甯化所五
里禹之孫昌甯公所定名定河今管岑山在甯武縣
西六十里南流由靜樂西婁煩交城北故交陽曲西
河口迤東曲折三百餘里至省城北蘭村出山迤西
轉南經太原東徐溝西至孔村南入縣東北境西南
逕冀家堡韓武村之西又東南逕西社鎮之東苗家

堡之西又西南逕高車村之東又東南逕貫家堡邢家堡雲周村之西保賢村之東又西南逕胡家堡王家堡之西水寨村之東又西南逕北齊村南齊村徐家莊之東又南接平遙西孝義東迤西由介休靈石之北霍州汾西之東趙城洪洞臨汾之西襄陵太平之東曲沃西北絳州稷山河津之南而西入於河按汾水舊從本縣北安都屈西歷河南都入汾陽境明萬曆三十九年東徙從本縣韓武西都入境向東南歷齊南都入平遙境水之西岸由本縣永樂村入

汾陽境

國朝順治十一年秋西徙二十里由本縣鄭家莊東石家莊西南入平遙仁莊境今有舊河槽二道乾隆十九年汾文交溢入本縣鄭家莊淹沒民居甚衆二十三年又東徙文水西徙每逢雨潦屢漲溢爲患四十七年前

撫蔣公守汾州會同汾文兩邑北至本縣孝義鎮南至汾邑鄧漕頭公築一帶長隄以防河溢六十年知縣祝德全禱築碑記載藝文後隄毀道光十五年汾水從本縣南安村溢與文水合橫入汾境數十里盡成澤國二十一年再溢二十三年七月晦陡從本縣

麻堡村徙而東四野漫流淹沒民田不下數千頃知縣劉祖煥補築長隄以遏之光緒五年文水從宜亭村南決口流入張家莊蘇家堡爲百金堡隄所阻淹沒甚衆久之隄決至汾陽董家莊合流自來縣境之河平行無漕最難施治近年汾害較遠獨文峪一河遷徙靡常又有磁窑瓦窑白石等河向之入汾者今皆流入縣境籍文洩水每遇盛漲爲害滋深補救之策當事者所宜急籌也

白石河在縣東三十里源出清源鄉白石山下一出清源鄉不老池二水合流至本縣武安都西南入於汾

今流至交城鄭村屈西由本縣東西北安村大小辛村之北西入磁窰河

磁窰河在縣東十八里源出交城磁窰溝一出交城瓦窰溝經流本縣石侯鎮南二水合流南逕杭城村西城村之東東城村之西又南逕東莊村西莊村之東又南逕明陽村中間又南屈西逕上河頭村中間西入文峪河舊從上河頭村東向西南流入汾界現有舊河漕形蹟

沙河在縣東南四十里源出祁縣南豐流至本縣雲周村入於汾今涸

迴馬河在縣東五十里源出榆次縣流入本縣東北高車村南入於汾今無

澗河出本縣西山有四一自縣西北溝口村東南流至營兒村入文峪河一自縣西北杏樓坡東流至桑村入文峪河一自縣西北章多溝流遶北城濠東南至韓村入文峪河一自縣西南南峪口東至橋頭村入文峪河

泌水在縣北八里龍泉村北由東南注文峪河其水平地湧出灌溉稻田十數頃寰宇記謂之神福泉旱禱有應今涸

猷水在縣北二十里武陵村西平地湧出灌溉稻田今

涸

甘泉在縣西南二十里詳勝景古刹甘泉註

武滂泊在縣南二十里唐天授二年改名朱雀泊今涸
伯魚泊在縣東南三十里今涸

馬跑泉在隱唐洞東畔汾陽志原公水亦呼馬跑泉

清泉在縣南五里樂村源出汾陽縣謁泉山南廟碑云
文水迤南五里鄉名樂村乃隱泉之所經水至是而
澄清可濯故渠名清泉

映奎湖在城內東南角城牆下上有奎星閣故名通街

渠二廣各一丈闔城之水悉注於此

津梁

通濟聖橋在拱辰門外光緒九年知縣楊恩溥石構

樂成橋在環岫門外

朝陽橋在朝陽門外知縣樊從簡石構

運城橋在迎薰門外康熙十一年知縣傅星石構

以上四橋俱磚石

商峽橋在馬西都里人鄜州同知劉芳建有碑記

廣濟橋在縣北文谷上 南仁橋在南仁都

大象橋在大象都

徐村橋在縣北文峪河

潤濟橋在崇武都

通濟橋在商武都

永濟橋在南仁都

普濟橋在韓武西都

上依舊志隨河遷徙

文峪河橋

一在縣南二十五里鄭家莊

一在縣南二十二里蘇家莊

一在縣東南十五里南張家莊

一在縣東南八里宜亭村

一在縣東三里堡子村

一在縣東北三里桑村

一在縣東北八里營兒村

一在縣北二十里開柵鎮

一在縣東南十五里上河頭村

一在縣北二十里峪口村

汾河橋

一在縣東南四十五里徐家莊

一在縣東南四十里南齊村

一在縣東南四十五里水寨村

一在縣東南四十里王家堡

一在縣東四十二里南胡家堡

一在縣東四十五里買家堡

一在縣東五十里高車村

一在縣東北五十里苗家堡

一在縣東北六十里西社鎮

以上汾文諸橋俱係土木歲一修撤

傅星曰王制歲十一月徒杠成十二月輿梁成周十一月今九月十二月今十月也南方水有常流橋少

修撤北方水無常流其漲也滔天而涸也或可徒涉故各處津梁大抵撤於春而修於冬周都關中爲河北地晉亦河北也故王制所設今猶遵之文津梁有

爲石者因地也不煩修且撤也爲土木者亦因地也
不得不修且撤也毋先時毋後時庶民不病涉哉

文峪河渠堰

渠案附

永賴渠天啟五年知縣米世發採衆議度地形於縣西
北二十里開永賴渠一道起文峪口南崖下鑿石穿
澗並西山引文峪水入城中紆折幾三十里墮廢

崇通渠在崇武都

洪橋渠在徐仁南仁二都

清龍渠在文武都

清水渠在昇泉北榆宜韓三都

廣濟渠在大城南東舊城西城村 一在東賢西平舊

城南城南武五都 以上今俱廢

甘泉渠在縣北二十餘里開柵鎮西文峪河北岸下有
一二子渠灌開柵鎮並交邑廣興鎮地畝

常稔渠在縣北二十里北徐村西文峪河南岸灌南北
徐村宋樊二莊中社村五村地畝

乾隆十三年甘泉常稔二渠爭控 上憲斷定水程
甘泉渠每大建月分十七日小建月分十六日期內
交邑廣興鎮灌二日二夜常稔渠每月分十三日所
灌之地每畝均按九升七合納課

冬堰自宜兒村以下沿河村莊冬季築堰開渠灌地不
定幾堰亦無堰名

乾隆四十四年汾陽縣民人王際飛等與縣東小城
南等村成光宗等爭控 上憲斷定上自文邑宜兒
村下至汾邑乾河村自小雪日起至清明日止計一
百三十五日汾文兩邑各分六十七天半所灌之地
每畝均按平地糧六升三合五勺納課

道光九年五月十七日內閣奉

上諭徐沂奏勘明文水縣文峪河情形一摺文峪河由山
西文水縣西北發源河流遷徙靡常兩岸居民皆思
預防水患修築隄堰往往滋生事端現據該撫查勘
情形勢難就地開挖並恐既開之後旋復淤塞現在

新走之河由武陵營兒西城東莊等村入礮窰河下
達汾河極爲通順自應順水之性無過來源暢水之
流勿阻去路着照該撫所議責令該縣相度地勢或
切灘逼流或督率疏濬酌量辦理其各村所築護村
隄堰藉以防禦仍聽其便惟各須距河三二十丈不
得攔河堵築致阻去向仍令該管道隨時稽查以杜
紛爭而資捍衛欽此

汾河渠堰

永濟渠在南賢東南賢西二都

廣濟渠在東城都

永會渠在青安都

原開渠在原東都

烏麻渠在原西都

以上今俱廢

廣濟渠在縣東北六十里韓武堡西灌韓武堡韓武村
西社鎮楊落堡閻家堡王家堡東郭家堡南白家莊
麻家堡西韓村韓弓村南莊鎮溫雲村營兒村南安
村橫溝等村地畝

廣會渠在縣東五十里貫家堡西灌貫家堡保賢村保
賢莊雲周西東堡杏賢汾曲大象北賢等村地畝

利輟堰在縣東五十里雲周村西灌雲周村原東村胡
家堡固邑村邢家堡併祁邑西韓建安等村地畝

天德根堰在縣東南五十里水塞村東灌水塞村王家

堡趙村伯魚村索家堡朱家堡下曲鎮下曲莊梁家
堡田家堡永樂村石家莊等村地畝

公義堰在縣東南四十五里南齊村東灌南齊村杜村
南北辛店忠義村並平邑仁莊等村地畝

以上沿河各村莊冬季築堰開渠灌地不定幾堰向
由各堰經理人稟明 上憲飭委員會同各縣查明
徐文平共有幾堰接堰多寡自小雪後三日起至清
明後三日止照舊章均分水程

乾隆二十一年 上憲議於河身兩岸修築夾版隄
堰因旋築旋衝遂惟於種麥之處各自築堰保護麥

田歲十月起工二月竣工六月麥既收聽其衝漫二
十六年知縣顧學海議稱縣境汾河自清源縣交界
之榆林村起至田家堡永樂村平遙縣交界止勝且
六十餘里爲甯武靜樂陽曲壽陽榆次太原太原徐
溝清源交城祁縣永甯州衆水匯歸之處汾河而外
尚有文峪瓦窰磁窰蒿泊五馬等河亦俱流入文邑
籍汾洩水夏秋汾水泛漲其勢洶涌遷徙無定自古
及今從無堤堰而田家堡以上河漕深闊水患尚少
下游永樂村以下平遙汾陽一帶河漕甚淺其害爲
甚沿河沙土不堅督民所築之隄又非官工可比本

浮鬆單薄不足以防異漲又稱汾河遷徙靡常

國初數十年來已不知幾經更易耆老目擊者猶能歷歷言之凡遇異漲奪流改道之時奔騰浩瀚頃刻另自成漕實非單薄隄堰所能防禦而汾河水隨沙壅附近悉繫帶沙之土其性鬆浮萬難挑濬且亦不堪築隄目下所有隄堰高寬不過數尺各處民力不齊原皆有名無實是無隄固難禁其泛溢有隄亦不能保其歸漕無隄而在上游四處散漫之害輕有隄而聚於下游一處衝決之害重似不若廢棄隄堰聽水漫散順流卽有淹沒爲害亦輕二十七年平遙縣知縣

李在田亦請廢夾版隄堰

傅星曰民非五穀不生五穀非水不生晉之疆多山故瘠文稍平坦稱大邑然地高而少雨其需水利也則同井田之制自一溝一洫以至爲澮爲川大抵經緯如畫故旱不乾而水不澇文東有文峪沙汾三河而由文峪以迄西境五六十里無帶水焉此永賴一渠米公世發所以爲文邑計至深且遠也愚民旣不可與慮始復不可與樂成坐棄無窮之利而莫知復予思繼米公之志而終不能強衆欲之大同其有愧也夫其有待也夫

古蹟

平陶城在縣西南二十五里堯爲唐侯時都於此漢爲縣屬太原郡後魏改名平遙縣後以西寇內侵徙居京陵今平陶都是

大陵城在縣東北二十五里卽今武陵村大陵屯是史記趙肅侯遊大陵大戊午諫曰耕事方急一日不作百日不食肅侯下車謝其後武靈王亦遊之夢處女鼓瑟而歌卽此地漢爲縣晉時南單于居之後魏廢今爲屯田

文水古城在縣東十里今舊縣都卽其地也後魏建文

水城隋唐因之宋元符間圯於水因徙治章多里

大干城在縣南十里舊經云漢劉元海所築令其兄延

年居之時人謂兄爲阿干因名

見通志

柵城在縣北二十里經云魏武帝築以備寇當文峪口

卽今開柵城是

雲周城在縣東四十里後魏築寄治并州今廢名雲周

村

石峽藏書在縣西龍頭山中詳石峽山註

泌水名碑在縣北五里龍泉村碑係虞世南撰書滿可

數尺屢奉文取之愈拙愈下竟不可出字亦多刻

泌水久涸碑亦迷失不可彷彿踪跡矣

古寺唐碑見藝文一在甘泉寺一在土堂崇勝寺

石門名迹在縣西南石門山有虞永興磨崖大書石門
宕雪四字字徑數尺

蘭若寺鐘在縣南下祠都蘭若寺舊傳有大鐘明洪武
時飛至金陵云

攀龍臺唐則天后父荊州都督武士護墳也則天時追
封周高祖名墳爲攀龍臺勅李嶠撰記其文六千餘
字甚佳見文苑英華

聖母廟槐在開柵鎮聖母廟乃軒轅后西陵氏土人以

卷蠶故祀之莫知其始。槐一株徑四圍世傳千有餘歲。正德間枯。至嘉靖再生。初腹空如磬。內盛子。再生後內外堅實。若初植然。

徐村龍槐在縣北十里。南徐村官道西。相傳千餘年。根出地上。橫偃道旁。蟠踞如龍。

周家山牡丹在縣西北周家山。一名燈山。龍王廟內。牡丹一株。高與檐齊。花時最盛。

熊耳山牡丹在縣西熊耳山洪勝寺內。有牡丹一株。

出石窟高丈餘。鮮豔異常。舊傳開放時官民觀數寺僧嫌其擾灌。以沸湯遂枯。一日忽見紅衣。

入寺覓之無迹牡丹復生婦人蓋花神也邑人因疇
讀書於此開放尤盛大以爲祥今無矣

郝嶺長栝在徐南都前莊山嶺有栝樹一株相傳千餘
年高七丈許徑三十圍枝幹蟠結蔭蔽二畝餘遇風
則聲響如濤雖盛夏坐卧其下寒氣襲人每值重午
日或有外客密來祭奠樹旁有龍王狐突廟三楹邑
庠生郭珽郭鉉胡元勳募山民修葺且更新其像龍
王舊像內有木板一片上書大樹照平陽府洪洞縣
李元亨家萬曆二年記珽鉉不解其故仍藏像內

勝景

卜山疊翠在縣西南山峰壁立明媚若翠屏兩餘尤濯
濯可觀

石門浪雪在子夏廟西數里兩壁如削若雙闕然澗水
下注浪如噴雪崖半有虞世南書

懸崖瀑布在縣西南隱唐洞石壁拔立千餘仞夏秋之
際飛泉瀉落若匹練然

平陵晚照在縣東平舊都元符間遷城於章多里城已
廢每至雨霽遙望城堞隱隱如覩

谷口秋風在縣北二十里文峪口兩峰相距里餘秋風
落葉此處獨遲晚田不霜

隱泉春水卜山之陽有子夏廟焉山麓有泉而不恒流
至春時獨盛云

古刹甘泉在縣西南甘泉寺右祠內有池方廣丈餘澄
澈不涸其味甚甘故名上塑神龍映水如生寺旁有
書院東崖半爲禪院極幽靜下有洞以通出入洞約
五十餘步中隔深溝廣丈餘僧設兩橋通之夜撤橋
盜賊無能踰

壽甯怪柏在縣北柏茆坡山隈文皆左紐亦奇觀也

廟宇

關帝廟

一在北街光緒元年邑人成臨象柳公德等經
理重修一在南街一在北街路西小巷其在鄉

村九
多

后土廟

一在縣朝陽門內一在龍泉村一在大成南

真武廟

一在縣北關一在下曲村各都多有不能詳載

青龍廟

在章多村邑人王士升劉漢呂劉漢相郭世郭維鼎等督建

三官廟

一在縣東街草場東縣丞馮旭日建一在賢馬都

麻衣仙姑廟

在縣東北桑村詳藝文錫兩記

二郎廟

在南仁都宋征行于戶閭萬困於邊外遇二郎神騎白馬頃刻帶萬於本都後祠感神德屢修

廟施地舉人孫榮先進

士胡全才碑記甚詳

三皇廟

在土堂邑人李機張天錫李配仁等督建

河神廟

在書院後院

城隍廟

在縣北街

東嶽廟

在縣南街東巷

西嶽廟

在縣西街在豐戶都

趙簡子廟

在縣南街

真武廟

在縣西街

二聖廟

在縣南關

唐堯廟

在平陶都

湯王廟

在曲村下

漢文帝廟

在賢馬都一在待賢都

魏孝文廟

在縣北崖底村

子夏廟

在小城南一在神堂村一在平陶村一在樂村

水母廟

在徐南都

五龍王廟

一在東城都一在南賢都

黑龍王廟

在梁家堡

文谷神祠

在文峪都

三義廟

明洪武年建在鄭家莊

九天宮廟

在鄭家莊

三靈侯廟

在冀周村

河東公祠

卽先賢子夏一在孝義鎮一在

忠惠利應侯

一在韓城一在桑村

義武都

龍王廟

在前莊山一
在義武都

五聖廟

在平陶都

龍王堂

在土堂西

馬王廟

在縣東街
草場東

后土廟

一在南安都
一在昇泉都

九江聖母廟

在鄆家莊

玉皇廟

在石東都

狐神廟

在石東都

藥王廟

在徐南都

寺觀

古城寺

一在縣東舊城村明宣
德十年建一在南城都

崇勝寺

在縣西土堂村有塔一
座高十丈正統六年建

梵安寺

在縣南上賢村有塔一座
高十餘丈崇甯二年建

長樂寺

一在縣東原西都元至
正四年建一在東白都

觀音寺

一在縣東雲周村元至正年建一在東舊城村

興化寺

在東莊村明宏治三年建內有鐵佛並巨鐘聲聞數里

麻衣寺

一在城內明教坊街一在縣南趙家莊洪武十八年建

觀音閣

在南街東舊名紅廟國朝康熙九年岳鳳趙風清等改建

文昌閣

在小西街寶家十字明崇禎年間邑人王在臺糾衆創建國朝康熙三年邑人王毓文重修

白衣閣

在文魁巷東路北邑人閣應祚募衆創修

觀音堂

一在賈家十字一在潘家十字一在楊家巷一在馮家巷

明教寺

在縣城內明教坊唐貞觀年建

正念寺

在城貴信坊明宣德年建

安禪寺

在城忠孝坊明宣德年建

廣報寺

在縣東南冀周村明景泰年建

華嚴寺

在縣東南宜韓都明景泰年建

淨土寺

在縣西北北榆都明永樂年建

蘭若寺

在縣南十里明宣德二年建

崇武寺

在縣北武午村明永樂年建

陀佛寺

在縣南下祠都明天順年建

鐵佛寺

在縣南橋頭村明正統十二年建

洪淨寺

在縣東南南仁都明洪武年建

曲聖寺

在縣南義武都正統八年建

寶界寺

在縣東南下曲都金大定年建

衆聖寺

在縣西南青泉都明正統八年建

多寶寺

在縣東二十里至元十三年建

淨心寺

在縣西南馬西都明正統年建

保安寺

在縣東南青安都明宣德年建

普雄寺

在縣東三十里明永樂年修

瑞祥寺

在縣東永忠都明宣德年修

雲頂寺

在光統頭山隈

淨居寺

在縣南平陶都金大定年建

緣慶寺

在縣東武安都至元六年建

龍仁寺

在縣南武度都明天順年建

妙音寺

在縣東南仁智都景泰五年建

祥迦寺

在縣東豐吳都正統十二年建

延慶寺

在縣東北南安都一在武安都

興道寺

在縣東南齊南都明宣德年建

無礙寺

在縣東北獨家都明正統年修

北安寺

在縣東北北安都至正年建

東巖寺

在縣西北土安都至正元年建

壽甯寺

在縣北北徐村唐天授元年建

護國寺

在縣南十里明正統年修

洪福寺

在縣東三十里明洪熙元年建一在城南十五里馬村唐元和年建極宏廠藏經十餘櫃康熙

巳丑寺僧越塵設爲十方招提僧衆百餘今廢

瑞祥寺

在縣南岳村延昌三年建

賀天寺

在縣東高車都元至正十二年建

少林寺

在縣東南十五里明陽村

龍泉寺

在縣東北昇泉都唐開元年建

甘泉寺

在縣西南山隈明正統年建

吉祥寺

在徐村南

滿覺寺

在開東都

梵天寺

在賢都東

慧明寺

在賢都東

慈雲寺

在文武都一在保賢都

明仙寺

在齊南都

三教寺

一在雲周村
一在獨家都

思賢寺

在思賢都

常清寺

在趙村

明會寺

在伯魚村

吳天寺

在高車村

正廣寺

在待賢都

玉泉寺

在土安都

石棧寺

在土安都

慶喜寺

在石東都

無礙寺

在韓弓都

慈勝寺

在昇泉都

悟真寺

在韓弓都

崇壽寺

在豐戶都

保壽寺

在韓武東都

廣濟寺

在東城都

金池寺

在崇武都

古刹寺

在崇武都

元真觀

在縣東北隅
唐開元年建

紫雲觀

在縣南十里金昌明七年建

凝然觀

在縣南武滂村
元元祐二年建

白衣庵

在北街路西小巷

三聖庵

在北關路西

華嚴庵

在南關路西邑人成瑞募衆建

牛王廟

在貴信坊街東北隅

上墓

義塚附

隋

韓孝子墓

名子誕邑人在縣南十九里

唐

荊州都督墓

武后父諱士彘未詳所在

宋

邢先生墓

名鑑邑人在縣西百步許有碑

牛郎中墓

名拱辰邑人在縣西北八里有碑字多剝落

元

李進士墓

曰秀曰信曰遜曰讓曰禎曰光祖一門六進士俱邑人在縣東北五里昇泉都

梁丞相墓

名錦陽李端東人

梁僉事墓

名簡

梁尚書墓

名蘭

梁布政墓

名璣

梁知縣墓

名璇上四墓皆錦陽之子

梁御史墓

名政遠錦陽孫俱在李端鎮東

王尙書墓

名雲在雲周村西

明

馮知縣墓

諱憲邑人在縣西龍王山麓

郭副憲墓

諱廷冕邑人在縣西北五里峯子塢

田京兆墓

諱疇邑人在縣北八里西山麓

嚴知州墓

諱三省邑人在縣西一里許

鄭虞衡墓

諱之僑邑人在縣西北二十五里文峪口南浦山

郭叅戎墓

諱晚在縣西北五里西山麓

李知縣墓

諱喬邑人在縣北二里

王大叅墓

諱在臺邑人在縣北十里西山麓

國朝

胡總督墓

諱全才邑人在縣北七里西山麓

成都督墓

諱元震邑人在城西南南嶺原

成按察使墓

諱汝舟邑人在城西南南嶺原

義塚

在縣北門外三里邑人成履恒捐地六畝餘創立

物產

傅星曰物產亦何常之有哉禹貢雍州之土爲上上

今五穀多出東南揚州不言宜桑今絲綿盡出浙西

山林沔池樹畜之利固無地不可以生且裕也文士

地肥衍氣候不甚寒因性順宜凡可以養生送死者

有則勸之少則利導之無則興之物產亦何常之有

河禮冀其利松柏其畜宜牛羊其穀宜黍稷并其利布

帛宜蠶績其畜宜五擾其穀宜五種

穀屬

稻

軟硬二種

黍

軟硬二種
軟宜釀酒

稷

大小二種

粱

細粒而色白

麥

來

二種有宿種春種

蕎麥

芝麻

麻子

豆

黑葉黃院扁豇
小茶酒九種

荳稗

蕁麻

包穀

俗呼玉桃黍

蔬屬

葱

韭

蒜

芥

芹

茄

瓠

波菱

莧

青

二種

萹苳

葫蘆

芫荽

蒼蓬

藤蒿

蘿蔔

胡白
水三

種

蔓菁

荏苳

菜豆

甜苳

蘑菇

瓜屬

絲瓜 西瓜 冬瓜 甜瓜 南瓜 北瓜 王瓜

夏秋

二種 菜瓜 地王瓜 海南瓜

果屬

桃 夏秋二種 李 黃赤二種 杏 梨 棗 香柰 核桃 林

檜 無花果 櫻桃 葡萄 紅白二種 軟棗

木屬

椿 香臭二種 榆 桑 柳 松 柏 槐 黑白二種 楸 楊 青白

二種 椒 栝 杆 樺

花屬

牡丹 芍藥 石竹 萱草 珍珠 山丹 捲丹

夜合 玫瑰紅白二種 鷄冠 日照 蜀葵 月季 迎

春 玉簪 牽牛 菊 木紅

草屬

蓼 蒿 葦 莠 茶 茅 荻 蘆 莎 菅 浮

萍 苜蓿 藿 香艾 水稔 馬蘭 天茄 茜草

艾

藥屬

甘草 地黃 茴香 芫花 半夏 牽牛 商陸

大黃 皂角 黃芩 天麻 茵陳 地榆 藜蘆

山藥 遠志 菖蒲 麻黃 荆芥 紅花 薄荷

土芎 防風 貝母 鸞粟 益母草 車前子 兔

絲子 枸杞子 何首烏 槐角子 桑白皮 紫地

丁 夏枯草 旱蓮草 金銀花 地骨皮 酸棗仁

馬兜鈴

禽屬

鵬 鷹 鴈 鶩 鴨 鷄 鴿 鵲 鴉 烏 鳩

鶴 燕 雉 雀 梟 鷓 鴒 半痴俗名半翅檢徐天也

巢名半痴因其性也 蝙蝠 布谷 石鷄 水鴨 啄木 鶴

鶉 落浦 黃鸝 杜宇 沙鷄 黃鸝 訓狐

獸屬

虎豹牛馬騾驢豕犬羊貓狐

狸兔狼獾鹿獐麇田鼠山猪

鱗屬

鯉魚赤魚鮎魚鼈鱖魚

蟲屬

蠶蜂蠅蟻蛇蚊蝎蟬蛾螢蝶

伊威蝸牛蜘蛛蝦蟆蜻蜒螻蛄螟蛉

蟋蟀游蜒螯蝥蝎虎蜥蜴蝻斯螳螂

蚓

貨屬

絲布絹絨羊毛龍鹽蠟蜜錫

油醋

酒

黃白
二品

硝煤煙